

ordinate sum fusus, justo judicio in me sum postmodum, ut ita loquar, satis difficulter ingressus. Inter cetera vero, tanta animum meum muneris illius caligo confudit, et tanquam vermis scatens mea corrodere viscera non cessavit, ut, teste conscientia, mallem me lepra percussum quam illo munere sauciatum. Attendebam porro illinc tantam fratris liberalitatem quæ mihi nihil debebat, et obtulit; hinc meam avaritiam, quæ, quod per officium non merebatur, accepit. Tædebat me tunc oblitum, quod per virum Sapientem dicitur : « Non sit porrecta manus tua ad accipiendum, et ad dandum collecta (*Ecli. iv.*). » Et cum; juxta Apostolum, beatus sit magis dare quam accipere (*Act. xx.*); illum jure beatum, me miserum deputabam. Heu me, inquam, cum a suscipiendo muneribus excutiendam manum Scriptura præcipiat (*Isa. xxxiii*) ; quo modo tu manum excutis, ut abjicias; quam potius incutis, ut accipias; strigis, ut rapias; retrahis, ut possidentia recondas. Et revera avaritia **836** in manu suscientis viscus est, quæ quidquid apponitur, excuti non permittit; sed more piscis haerere compellit. Quid igitur? Rixam mentis meæ ultra non perferens, sancto fratri munus suum remittere studui. Deinde, Deo auxiliante, dum vixero contra sordes munerum jam cau-

A tuis vigilabo. Ecce, quod superius dixi, quia servus Dei tunc debet timere, cum tempore quid percipit; tunc gaudere, cum perdit. Amodo itaque neque pro specie monasterii construendi, neque pro necessitate servorum Dei, tenebo quasi material honestatis, ubi valeam vires exercere cupidinis. Tanquam qui castitatis anhelat solvere cingulum, ut quasi sibi haeredes provideat, init copulas nuptiarum, et sub nomine propagandi germinis famulatur illecebris voluptatis; ita nonnulli, dum esse nequeunt Christi, vel apostolorum nuditate contenti, gaudent sive regimine, sive quibuslibet exercitiis implicari; ut dum propriæ sati faciunt avaritiae, necessitatì videantur pii operis deservire. Nos autem, dilectissimi, gaudeamus semper et illatas nobis injurias æquanimiter ferre, et nocentibus insuper utilia ministrare. Sit manus nostra ad suscipiendum cauta atque suspecta; ad ergandum vero pro possibilitate benigna. Sit mens in prosperis timida, sit in adversitate secura, cumque bona facit et tolerat, tunc se procul dubio numerari inter Christi membra confidat. Quisquis enim recte vivens flagellis atteritur, sicut Christi nunc in utroque vestigia sequitur, ita postmodum ejus consortio non privatur.

Sit nomen Domini benedictum.

837-838 OPUSCULUM QUINQUAGESIMUM QUARTUM. DE JEJUNIO SABBATI.

ARGUMENTUM. — Monachos ad jejunandum Sabbatho, in sepulturæ Christi honorem, hilariter et devotè, sicut tribus aliis per hebdomadam diebus solebant, cohoitatur; utilitates ejusdem jejunii, et meritum ante oculos proponens.

Sanctis fratribus in Gaminu eremo constitutis, PETRUS peccator monachus pacis osculum in Spiritu sancto.

CAPUT PRIMUM.

Quod omnia serviant in hoc mundo ad usum heminis.

Pensualium conductores ædium, vel procuratores agrorum, dum dominis suis placere desiderabiliter ambiunt, exactionum canones minuti, villicatus sui tempore, non permittunt; nos etiam, quibus non quarumlibet rerum, sed animarum vestrarum est commissa custodia, valde pertimescimus, si frugum vestrarum redditus, qui dominicis inferebatur horreis, sub nostra cura minuitur, si sanctæ servitutis vestræ pensum per nostram, quod absit, conventioni non implevit. Quidquid enim in hoc mundo laboratur, in usus proficit hominis, solus autem animalium fructus usibus deservit auctoris. Eo ergo formidolosus divinum cogimur exspectare judicium, quod rationem debemus, non de segetibus in secundum mox cuniculos digerendis; sed de animalibus potius, quæ sui repræsentant imaginem Conditoris. Non plane ad rationem ducimur de novilibus, quæ vomeribus sunt, et cultris obnoxiae; sed de rationa-

libus terris quæ suscipiendis sunt cœlestis eloquii seminibus excolendæ. Sicut ergo nobis timendum est, qui circa vestram jubemur invigilare custodiam, ita et vos cum magna lætitia cordis, ad propositam sanctis laboribus vestrīs debetis anhelare coronam, nec minuere quod cœpistis; sed pendus levigare, prospiciendo quo tenditis. Inter cæteros autem flores sanctæ vestræ conversationis et studia pietatis suggero charitati vestræ ut quatuor per hebdomadam diebus consueta jejunii regula teneatur, et præcipue Sabbathum, quod in quorumdam mente jamjam vacillat, nisi a debilibus, non solvatur. Novi plane, quod trium dierum sine pugna, et discripatiōne jejunia transiguntur; Sabbatho autem mens infirma et tepida paulatim incipit in quodam abstinenti, vel edendi meditullio nutare, et tanquam in bivio constituta, quo potissime egressum vertat, ambigere, moxque a suo rigore resolvitur, mensas, patinas, calices et quidquid eduliis competit, meditatur. Corpore se debilem simulat, quæ sit edendi suavitas crebris in cogitationibus versat: seseque peragendis superventuræ noctis sufficere posse desperat. Interea, veternosus ille galæ prurientis inceptor accedit,

reficiendi liliuinem ingerit, venenum pestiferæ delectationis infundit, auream discretionis edocet semitam, indiscretionis astruit summopere cavendam esse ruinam; melius esse cum sobrietate comedere, quam edendi rabiem duplicata fame nutrire. Accurate namque hunc suæ calliditatis hamum seductor antiquus in filios injicit, qui olim ad capiendos parentes humani generis inescavit (*Gen. iii*). Auleo gulæ transfixos parentes nostros attraxerat, gulæ adhuc aditum ad capiendos nos callidus explorator observat. Adhibet adhuc et quoslibet assentatores ac placentarios incitat; ut hoc extrinsecus dicant, quod ille interius seminat, quatenus miser homo inter tot balistas et machinas, inter tot telorum turbines et missilium tempestates facile corruat; adversum quem videlicet et linguarum obsidio et cogitationum seditio conspirantes unanimiter pugnant. Præterea nec omittendum quod eadem pugna de tertia feria infirmis mentibus oritur utroque quadragesimali tempore; cum quinque diebus per hebdomadam jejunatur, quæ sit de Sabbathis, cæteris anni temporibus, quando videlicet intra quatuor dies jejunii summa concluditur. Malignus quippe hostis, quia quadragesimale Sabbathum apud servos Dei temerare non sufficit, tertiam saltem feriam violare contendit; cum autem hujus diei rigor amittitur, ad expugnandum Sabbathum protinus **§39** ille transfertur; ut et antiquus adversarius ab inferendo certamine nunquam desinat, et Dei famulus occasionem victoriæ nunquam perdat.

CAPUT II.

Cur tres dies in hebdomada apud monachos jejunare institutum sit.

Vos autem, dilectissimi, regulam a Patribus traditam, a vobis etiam per longa jam tempora custoditam, sine causa nolite dimittere; saluberrimo cui viviscae etiam sepulturæ Dominicæ jejunium copulate. Enimvero tres isti dies, tres per mystrium continent temporum diversitates, sexta feria, Sabbathum et Dominica dies, ideoque istos inter cæteros dies præcipue observare debemus: duos in carnis castigatione, tertium in spiritualis lætitiae jucunditate. Sexta quippe feria Dominus in cruce pendit, Sabbatho in sepulcro quievit, die vero Dominica resurrexit. Quasi enim sexta feria est tota hæc vita, in qua nunc tanquam morientes vivimus, in qua crucem quotidie post Jesum portare jubemus; Sabbathum autem, quod utique *requies* interpretatur, illud significat spatium quod est a die, qua morimur, usque ad resurrectionis diem quo videlicet ad tribunal æterni Judicis resumptis corporibus præsentamur; dies vero Dominicus illa post judicium æternitas erit, quæ lucis et gloriæ terminum non habebit. In hujus ergo defluentis temporis Sabbatho unusquisque nostrum suum corpus affligat, ut in illo postmodum suaviter requiescat. In hoc servens spiritus carnis suæ blandimenta mortificet; ut in illo feliciter epulatus exsultet. Hic ad Domini sepulturam cum sanctis mulieribus lugeat, ut illic

A ejus, qui de morte resurrexit, gloriam ceuat. Lægubres oculi, pallida ora, demissi vultus, inulta caesaries, signa sint nos esse discipulos crucifixi, vel in sepulcro jacentis, ut qui nunc cum apostolis lugentes et jejunantes affligimur, eis postmodum in mellis et piscis assi convivio sociemur (*Luc. xxiv*). Ut autem qui fructus, quæ sit utilitas septima feria jejunandi, non tam verbis quam rebus eluceat; non abs re credimus, si rectam de nostris opusculis ad ædificationem vestram breve aliquid usuuemur.

CAPUT III.

Miraculum quo jejunium Sabbati approbatum est.

Nam quod dicturus sum, ibi jam scripsisse memini, ubi de octo quondam jejunis disputavi: mox, inquam, ut ista conscripseram, quid mihi casu vel potius divino nutu nosse contigerit, non celabo. Senior quidam frater, qui jam triginta fere annis eremita cellula usus fuerat, ad me venit, et soli visionem, quæ sibi acciderat, patescet. Sæpe, inquit, magister, in te simultatis et iræ stimulum pertuli, quia diem Sabbathi tantopere ut jejunaretur instabas; interea concupivi Hierosolymam pergere; cumque hoc in dies desiderio ferventius astuarem, dormienti mihi Dominica **340** nocte astitit in visione splendidus quidam clericus, et dixit: Frater Joannes, sic enim vocabatur, vis venire Hierosolymam? Cui cum velle me respondi sem, protinus me illuc per somnum duxit, multaque sanctorum sepulera circumiens, quodque cuius esset specialiter designavit; tandem ad sepulcrum Domini eodem duce perveni, et ecce post sepulcrum stabat quidam clericus serena facie, et pulcher aspectu, cervicenous stola candida decenter ornatus, qui dixit mihi: Tu nudius tertius viviscam crucem, hesterno quoque die sepulturam Dominicam, dum jejunasti, veraciter adorasti. Ex hoc, remoto omni scrupulo dubietatis, agnosce, quia et sexta feria crucem, et Sabbatho sepulcrum Christi verissime celebras et adoras, si predictos dies orando et psallendo jejunas. Quo videlicet instructus oracio, et scandalum, quod adversum te, Pater, habueram, perdidisti, et deinceps Sabbathum non minori devotione, quam sextam feriam, si facultas suppetat, jejunavi [jejunabo]. Hæc mihi sanctus frater retulit, cum hæc quæ scribimus et tunc omnino nesciret, et adhuc prorsus ignoret. Hoc autem rescribere non piguit, ut si opusculum illud vobis occurrere non contingat, hoc saltem fraternitatis vestrae notitiam non evadat.

CAPUT IV.

Majorum negligentia exemplo etiam posteris nocet.

Cavendum est itaque, dilectissimi, ne nostro tempore sancta vita ista tepescat. sensimque se immunuendo, quod absit, omnino deficiat. Novimus enim de magna olim et ardua vix jam tenues superesse reliquias; et sicut, quod a majoribus est omissum, non reparatur a nobis; ita quod apud nos per negligentiam deperit, nequaquam successorum nostre

rum posteritas instaurabit, ut verum sit illud H̄eratii A
(Lib. iii Carm., od. 6.).

Ætas parentum, pejor avis, tulit
Nos nequiores, mox datus
Progeniem viliusorem.

Sic utique rei erimus non modo nostræ negligentiae,
sed et alienæ vitæ; dum et ipsi lacessendo deficiamus,
et defectus causam posteris generamus. Nam cum
eorum deses vita notabitur, ad nos præsto recur-
rent, nos sibi clypeum defensionis opponent; ut qui
fuius præcessores in vita, simus consequenter au-
tores in culpa. Neque enim meliores sumus, in-
quiet, quam patres nostri; quod invenimus, arri-
piimus; quod didicimus, hoc et tenemus. Sicque
enim al eni corporis apostoli, et non doctrinæ, sed
oblivionis magistri; non duces ad victoriam, sed
præcessores ad fugam. Mementote quod scriptum est:
« Væ his qui perdiderunt sustinentiam (Eccli. ii). »
Et: « Ego, inquit, dispono vobis, sicut dispositi
michi Pater meus regnum (Luc. xxii). » Quare? Non
utique quia cœpisti, sed: « Vos estis, ait, qui per-
mansistis mecum in temptationibus meis (Ibid.). »
Quamobrem, dilectissimi, hoc ab ætate nostra præ-
cidamus opprobrium; et virtutis insigne, quod a
patribus nostris accepimus, illibatum et integrum
fideliter in filios transfundamus. Si vita eremita
minuenda est, per alios incipiat minui; nec nos in-
veniamur in hujus **841** fraudis sacrilegio primi;
ne cum patres nostri, hujus videlicet propositi fun-
datores, pervenient ad coronam, nos, ipsis accusan-
tibus et acriter inconsistentibus, compellamus ultionis C
subire sententiam. Nam cum illi beatorum marty-
rum sint imitati cum multo sudore certamina, nos
de solis martyrum solemnis disputamus; et qui
non interfuius præliis, de peractis gliscimus gau-
dere triumphis.

B

Quod vita nostra Sabbatum est ultimæ resurrectionis.

Tota plane vita ista quodammodo Sabbatum est.
illius ultimæ resurrectionis, et quasi profestum
nunc, atque vigilias colimus, ad quam suspiramus,
solemnitatis æternæ. Sed qui ad nuptias properat,
vel epulas cuiuslibet magnæ festivitatis exspectat,
ad anticipandum præcedentis horæ jentaculum non
anhelat. Nos ad illud refectionis æternæ nuptiale
convivium invitati, festinare jam cœpimus; et adhuc
molliter ac deliciose viventes, velut horam edendi
842 legitimam prævenimus. Quid prandenti cum tu-
mulo? Quid epulis cum sepulcro? Si sepulturam Do-
mini cum discipulis, non cum militibus custodimus,
afferamus misturam myrræ et aloes (*Joan. xix*),
non cacabos et lebetes. In illis siquidem amaritudo
mentium, in istis autem sunt illicebræ voluptatum.
Ad sepulturam sane debemus pectora tundere, non
dapibus ventres inflare; debemus mœsta lacrymis
ora persundere, non epotandis calicibus indulgere;
non ingurgitari mero, sed potum cum fletibus tem-
perare (*Psal. cr*). Nec tamen hæc inconsultius, et sic
absque discretione statuimus, ut humanitatem de-
hilibus, et valetudinem laborantibus denegemus.
Verumtamen sic sibi discretionem is qui infirmatur,
indulgeat, ut salubrem consuetudinis regulam, cum
convaluerit, non omittat. Sic ipse remissius vivat,
ut is qui incolumis est, in continentiae suæ nihilomi-
nus rigore permaneat. Non igitur, dilectissimi, gra-
vemur Sabbati servare jejunium; ut dum nunc sub
castigatione corporum Redemptori nostro con-
sepelimur in morte, et ipsi resurgentis cum ipso
postmodum epulemur in cœlestis gloriae claritate
(*Rom. vi*).

Sit nomen Domini benedictum.

843-844 OPUSCULUM QUINQUAGESIMUM QUINTUM.

DE CELEBRANDIS VIGILIIS.

ARGUMENTUM.— Monachos suos ad celebrandas octo festivitatibus vigilias, quas per indevationem et abusum
a plerisque suorum temporum negligi conqueritur, hac epistola adhortatur; cum rationes, quæ in con-
trarium facere videbantur, ab hominibus parum piis allatas, facile diluisset.

Sanctis fratribus in eremo constitutis, PETRUS D^r junia, quæ videlicet hactenus in antiqua progenite-
rum nostrorum traditione colimus, nunc quibusdam,

novas velut sectas introducentibus, passim negligi,
et in prandiorum epulas mutata dolemus. Quæ ni-
mirum hic enumerare otiosum esse non ducimus;
ita ut etiam rationes singulorum, cur omitti non
debeant, prout epistolæ compendium patitur, affe-
ramus.

CAPUT PRIMUM.

*Cur in vigiliis Assumptionis beatæ Virginis et B.
Joannis Baptistaræ natali jejunamus.*

Age igitur, cur Assumptionis beatæ Mariæ semper